

## 西江月·北海颂

刁况桂

北海堪称胜地，嘉肴饮誉南天。孟尝德政促珠还，苏轼词豪笔健。  
既喜今朝改革，相期他日双番，风云际会恨无缘，万里神交了愿。

## 首届珍珠节抒怀

读罢征函雅意萌，以文会友慰平生。  
暗惊去日流光速，却喜今朝玉宇清。  
祝愿中枢兴国运，讴歌北海展鹏程。  
欢呼首届珍珠节，广结骚坛翰墨情。

## 访涠洲岛

马斯

战云初歇下涠洲，倍觉南疆气象遒。  
碧海流霞千里日，惊涛骇浪一扁舟，  
斜阳古道遗忠骨，竖井平台喷石油。  
更喜弄潮归棹晚，晴空高挂月如钩。

## 北海水产馆

马遥华

满目琳琅错觉中，鱼虾蟹蛤各殊同。  
徜徉玳瑁来迎客，疑入骊蛟龙鳖宫。

## 农村除夕

家家电视看中厅，户户通宵爆竹声。  
“恭喜发财”多福祉，衣箱充实谷仓盈。

## 北海偶成

王云高

广西剧展期间(1984)，偷闲再访北海，适遇南宁市粤剧团亦携拙作《进士辨恩仇》来此上演。报人索句，草此留鸿。

又送新声向海滩，    烟波浩淼数归帆。  
夜来屏幕传消息，    借得金风海更宽。  
戏阑街巷踏歌声，    爱国雄风有共鸣。  
象岭珠滩千里路，    连心一脉是斯情。  
如金秋汛竟如何？    海阔风强击榜歌。  
远报妻儿滩上接，    金银盈网协帮拖。  
重逢两载又持螯，    入耳情牵北海涛。  
珠贝海花休笑我，    书生文弱也乘潮。

## 南珠吟

王戈

采珠往日以人易，    百里珠池泪浸衣。  
林富生还如有日，    奏章停写诵新诗。

## 白虎滩海浴感兴

王祝光

十里银滩白虎头，    碧波万顷一望收。  
滩平沙软真宜浴，    戏水相嬉逐海鸥。  
北海之滨白虎滩，    银光闪闪点波澜。  
依稀北戴黄金岸，    却是南疆北部湾。

## 珍珠节漫兴

邓传瑶

玉润星圆醉绿醅，清辉照彻夜光怀。  
蛟人断泪枯南海，阍竖伤民殛迅雷。  
路引丝绸何漫漫，扉开改革自恢恢。  
名城此日标金榜，振翼扶摇誓夺魁。

## 过海角亭有感

万里瞻天海角亭，风流点染半江青。  
飞檐斗拱明兴替，刻石苔碑鉴纬经。  
汉孟宋苏源本远，山辉川媚地綦灵。  
黉门底事弦歌闹，节庆珍珠一片情。

## 北海寄怀

方今

卅年敝地梦中寻，赤帜宁忘树报林。  
海宇浩茫没鸿影，南珠璀璨灿诗心。  
东坡教化留评说，北海潮流变古今。  
开放时间闻新报捷，风光应许入狂吟。

## 题北海银滩

帅立国

北海银滩冠九州，沙白浪软世难求。  
等闲得卧碧波里，不似仙游胜仙游。

## 天下奇观海底森林

帅立国

天下有奇观，    海底发红榄；  
千高数十尺，    木古枝叶繁；  
鱼虾翔根底，    万鸟栖林端；  
自然优生态，    生灵夜合欢；  
欲览胎生树，    请来英罗湾；  
茫茫五千亩，    装点我河山；  
婷婷玉女身，    携手护堤滩；  
游人继踵往，    北海美名传。

## 筹办首届北海国际珍珠节口占

宁铨

倡添令节费绸缪，    蛟宇澄明海国秋。  
欲使南珠增异采，    要教北海展新猷。  
鱼龙戏舞人同乐，    商市喧腾夜不收。  
冠盖如云来万国，    关心地主意难周。

## 北海腾飞

叶平

冠头岭下起苍黄，    外引内联开放忙。  
辟就机场通广宇，    建成海港达三江。  
群楼高耸如春笋，    百业方兴若夏桑。  
南国珠还重闪烁，    腾飞展翅壮边疆。

### 故 地 情

此地擒狼尝寄身，    白头尚染旧征尘。  
似曾相识归来燕，    今日重逢倍觉亲。

### 咏 明 珠

李树松

中华丰至宝，国产贵明珠。河岳精英结，乾坤瑞气孵。蚌胎育者遍、骊颌探来殊！价值何偏贵？功能未可估。招凉堪信否？御火果真乎？王者尊冠顶，佳人美绣襦。画帘垂纬络，锦帐缀流苏。掌握亲唇吻、颈悬贴体肤。柜藏轻菽粟、墓葬胜诗书。经史曾明载，传闻未必无；悟回张说事、光照惠王车。三斛迎仙丽、一鞭存帝储。棣还讥郑客、腹剖笑西胡。蛇报隋侯惠、蚁穿孔圣愚。春申轻客履、孟昶贱溲壶。君子惟崇德、贤人比握瑜。孟尝双袖沾、合浦万民呼！珠返朝廷重、名扬信义孚！最防鱼目混、适取卞妃符。投暗遭惊愕、藏家惹覬觎。化民尤倡洁、养老况无虞。怀璧匹夫罪、增财祖国需。见珠贪念起、应鄙佞商图！

### 珍珠节感赋

李楚金

古代丝绸路，    今朝万国通。  
南珠驰盛誉，    北海播雄风。  
深港货轮泊，    微波信息聪。  
云程鹏展翅，    指日看飞龙。

### 谒 东 坡 亭

珠海天光接地灵，    四时花木溢芳馨：  
回槛碧水遗碑在，    不绝游人谒古亭。

## 明珠

李家金

能发豪光胜似丹，    难将鱼目混其间。  
既钦贫汉探骊得，    尤爱廉官致蚌还。  
惟忌逼蛟成苦泣，    亦防对雀作愚弹。  
最宜抗暗如燃炬，    普照人间显笑颜。

## 北部湾海游即兴

李治都

有缘北海老来游，    碧水蓝天一色秋。  
浪打轻舟涛万顷，    半生烦恼付波流。

## 贺北海首届珍珠节

李治强

孟尝合浦行廉政，    潜匿明珠又复还。  
今日人工兴养殖，    南珠光采耀人间。

## 北海银滩冲浪

北海银滩冲浪游，    无穷乐趣兴悠悠。  
浪花朵朵频冲面，    身在水中逐浪浮。

## 珍珠颂

劳澄禧

群蚌含胎出九渊，    夜光荧闪照南天。  
三番终解卞和恨，    一斛难回唐帝冷。  
纷落玉盘声嘈切，    奉还君子意缠绵。  
昇平盛世多佳节，    合浦高风继前贤。

## 南行游踪三首

岑 路

### 东坡亭驻足

铜琶人去迹无寻，    买醉湖川日日春。  
尽道井泉余一掬，    苍苔犹记昔年尘。

### 海角亭怀苏髯翁

白发飘萧万里行，    忍将清泪洒南溟。  
芒鞋久踏天涯惯，    也寄秋怀海角亭。

### 北海鱼餐馆小酌

落日举杯北部湾，    群鸥逐水送归帆。  
远天极目波涛涌，    隐听渔歌浪里传。

### 北海市深水港码头

吴子厚

舳舻长怜一老翁，    港湾初识两朦朧。  
桅樯十丈迎高日，    铁锁千寻揽巨龙。  
万里天壤连旦暮，    八方风雨济穷通。  
心潮海汐俱难已，    身在浮云第几重。

### 北海观海阁偶成

老去而今始向洋，    快凭沧海拓胸膛。  
浮屏远颺帆千挂，    落日归摇橹万行。  
串串波澜天地白，    村村蚌蟹气流香。  
渔家不尽殷勤意，    深取一瓢劝客尝。

## 合浦珍珠城遗址

吴三才

废贝垞城话旧时，    苍茫碧海寄遐思。  
清廉若似春风遍，    合浦珠还千万池。

## 满江红·北海白虎头游泳

刚过重阳，偕诗侣、虎头蹀躞。舒望眼，平沙一片，似银如雪。数点渔帆飘忽去，千重白浪相堆叠。学蛟龙、击水戏汪洋，真怡悦。

思绪远，胸臆热。人世上，风波迭。御扁舟闯荡，壮心如铁。越过狂涛身骨硬，曾经暴雨灵台洁。到而今，犹想掣长鲸，游仙阙。

## 浪淘沙·桂南珠城赞

吴廷贯

南桂美珠城，遐迩蜚声。而今开放更峥嵘。八五宏图舒壮志，桑梓昌兴。万里奋鲲鹏，展翮冲腾。神州伟业促功成。广阔前程无限好，步步高升。

## 临江仙·参观北海市

吴玉亮

滚滚波涛千叠浪，因风掀起狂澜。渔舟唱晚打鱼还，壶中欣有酒，风正喜扬帆。市内绿阴遮夹道，两旁犹竖阑干。层楼高耸入云端，宏图开远景，百业每翻番。

## 首届北海国际珍珠节贺词

吴显藻

夜明照乘世常钦，    医药装潢两用深。  
太守清廉欣再作，    人民幸福喜重临。  
科研繁殖传佳讯，    技术栽培报好音。  
节建珍珠扬国际，    产销俱旺积黄金。



## 北海市新建设

瑰丽皇都卓不群，    凌霄屹立遏行云。  
豪华拓出南天秀，    雄伟掀开北海新。  
党国投资求实惠，    人民奋志拔穷根。  
宏图改革饶生意，    合浦明珠耀四邻。

## 珍珠行

汪民全

曾闻南溟有泉客，泣泪成珠皆五色，研末食之颜渥丹，皇王将相争搜剔，美女妃娥头饰繁，疲命蛋家判死猎，豪宫猾吏功相邀，巨商大贾求之急，年年多少采珠人，空伴珊瑚泣冷月；三斛明珠买得归，明珠颗颗化为血；孕胎贝母日难求，南海虽宽珠欲绝。又闻孟尝惠政施，珠还合浦人心悦。麻姑之说果如真，三变柔桑不靠神。天地自从民作主，科学养珠珠傍人。海上丝绸之路开，当年汉武商作媒。十年改革深开放，深水码头建起来；微波通讯绕紫微，机场起落客班飞；二级公路连首府，琼楼林立接朝晖。北海海域早蜚声，游人留下几多情，珠池贝海水云阔，淡日凝烟瑞气生。东坡亭畔海角潮，九百年来大名高。学士只缘生太早，未能及身看妖娆。微之曾写采珠人，斟词酌句何酸辛？“死尽明珠空海水，”征敛何曾悯苦贫！而今综合工艺强，粉取贝壳调作霜。保护肌肤人面美，出洋创汇名远扬。点眼有膏可消朦，古方今用济世功。增加视力创新药，《素问》、《内经》那得同。珍珠项链珍珠镯，万户千门心欢乐。生养休息珠得闲，人与珍珠皆有托。况有人工繁殖繁，不似往古滥捕捉，我吟北海珍珠珍，首届珍珠节初度。长歌有尽情难尽，瑞彩涵辉长闪烁。

## 散曲[正官]小梁州·溇洲

飞鸥影共天浮，掠过溇洲。龙门港外是咽喉。新成就，来览正当秋。

兵家水上必争斗，有当时一队孤舟。人杰逝，英风留。精魂常在，朝夕守潮头。※

※在抗日战争时期，有一支武装力量，在中国共产党领导下，转战至溇洲，后因弹尽粮绝，大都为国献身。

## 冠 头 岭

岭上观沧海，忽然动我情。白帆天际没，红日地边生，  
浪退礁仍在，风来鹭不惊。登临无限感，拍岸听涛声。

## 北海民居新村假日行

沈札森

驱车弥望尽崇楼，走马民居足畅游，  
大野翻成阡陌地，长衢曾是牧羊沟。  
绮窗绣阁劳人宴，绿圃新榕夜语柔。  
十万星灯浮海气，繁华先兆在南州。

## 陪龙城旧雨走马滨城

十年兴鼎革，供眼尽物华。夏木拥长衢，云楼接翠霞。油城挺巨塔，港埠泊远槎。西郊添笛唱，东市饶繁葩。广场珠池秀，平滩绮阁遮。眺海金涛近，分波夜月斜。灯繁城不夜，情殷游兴加。投资输活力，气象殊堪夸。时代增徽识，小康道不赊。来年新猷展，相携再品茶。